

東華續錄

同治朝卷十六
卷八十七之九十一

第二冊

東華續錄

同治庚午夏月
吳昌碩書

吳昌碩

同治東華續錄八十七

臣張式恭恭校 臣王先謙校編

九月乙丑左宗棠奏據劉錦棠黃萬友稟金積正北蔡家橋在秦渠之東春間賊設卡於橋西半里許迤西而北通東南爲長隄隄外引秦渠馬連渠之水爲壕環之官軍非奪蔡橋水口不能徑薄金積也六月二十八日會同金運昌馬步巡秦渠列陣分兵扼蔡橋水口立營正部署聞金積秦壩園各寨賊傾巢而出官軍前隊屹立待戰後隊趕緊修壘午後賊盡水口益刀劉錦棠令何作霖蕭章開譚拔萃等步隊悉銳向賊寨猛進提督余虎恩熊有常周雲祥譚上連副將郭宗儀等馬隊橫截而出敗賊腦膈大寨官軍壓迫至金積西北寨根而還日晡壘成分營駐之蔡橋水口既得可以扼秦渠之要而沿壕賊卡尙多七月初四日三鼓劉錦棠潛師夜起令軍士攜草束衝過賊卡越壕而壘行抵賊壕卡賊驚覺拚死拒敵官軍擲草填壕而過就地築壘分馬步兩支左右鈔出護砌礮臺適金積東南各堡角聲四起賊黨分布寨邊搆戰迫漸集漸眾官軍始分數路突起衝殺敗賊向金積東關竄遁其敗走不逮及誤入官軍陣中者悉就戮焉初五日黎明賊仍嚮出瞥見金運昌所部出隊恐截其後乃縮入寨中官軍會合踏毀長壕數十丈分營駐壕內而還兩戰劉錦棠一軍斃賊約六七百名奔勇陣亡七名受傷三十六名劉錦棠察看形勢毗連蔡橋之秦園堡西有小何家寨東爲蔡家寨皆濱大河可急攻而下初七日約金運昌馬步各攜攻具前往南抵秦渠之北秦園金積援賊廣至劉錦棠令馬隊鈔過何家寨北拊賊之背軍功董福祥張俊李雙良等當左路何作霖蕭章開陶定昇王承贊等當右路自率提督易致中譚拔萃周國勝喻執益步軍直薄寨下合馬隊併力夾攻適余虎恩等已挑驍卒先登步軍繼之冒輒石揮鋤掘堡廓一鼓拔之察家寨賊見鄰寨已破慌向大何家寨遁走劉錦棠縱馬鈔殺一面督步軍乘機奪寨門而入斬逆目何登榜及賊眾五百餘名秦園金積援賊見兩寨齊破鼠竄而遁劉錦棠一軍陣亡十一名受傷五十三名逆首馬化澁以蔡橋既失小何家寨蔡家寨又經攻克畏官軍偪攻愈緊復於卡西築隄濬水旁溢以阻官軍劉錦棠約金運昌急期之初八日黎明官軍馬步向蔡橋進發金積秦壩園各堡之賊排列堡前及秦渠迤北金運昌率隊循渠堰而進劉錦棠率隊一列渠南一列渠北騎賊已鈔過北面之右步賊繼至副都統雙壽余虎恩等躍馬砍陣立斬騎賊多名各路馬步一齊猛撲賊且卻且前鏖戰兩時官軍銳氣百倍馬步賊大敗狂奔而西官軍從各寨礮石中躍蹤猛追刺斃斃之賊無數初十日會割秦園堡北之麥襲攻周家寨寨垂破矣忽金積秦壩大股悍賊來援劉錦棠金運昌揮軍擊之擒斬三百餘名收隊而還十二日五鼓踰永甯洞沿秦渠而下攻王洪寨金運昌列隊秦西劉錦棠列隊秦南雙壽馬隊伏秦東廠堡官軍施放開花礮子連落寨內馬步賊千數百齊出東門與雙壽相持分股繞寨北而西抗拒金運昌軍金運

昌令軍士向西南佯敗誘賊一面約劉錦棠派隊鈔擊之賊果出隊遠追距寨約四里許劉錦棠分遣馬步橫出截賊爲兩金運昌轉旗突擊賊之尾股沿寨腳遁入北門前股三百餘名無一脫者維時雙壽正牽制東面之賊劉錦棠益以陶定昇等步隊斃賊甚夥總計初八初十二等日共斃賊一千三百餘名生擒三十七名十二日之戰據賊供王洪寨首逆王鵬已經官軍矛刺墜壘伏誅矣各戰劉錦棠一軍弁勇陣亡二十七名受傷一百六十名自賊復築隄於蔡橋卡西官軍隨時疏濬而積潦縱橫仍礙馳驟十三日辰後劉錦棠金運昌會商各營既搶過賊壕應扼紮賊隄偏水反灌遂傳令步軍由東南亮水進隊立營金運昌率所部進左劉錦棠進右布置甫定賊沿途開槍抗拒劉錦棠令各路隊伍奮威衝殺賊眾望風先潰官軍上隄即砌礮臺一面分隊嚴陣以待金積寨壘各賊果傾巢而出金運昌率所部當左路劉錦棠率所部當中右兩路待賊撲近以槍礮測準輪轟回眾敗而復前者十數次悍黨中槍斃者已不可勝數矣尙排隊遙相牽綴劉錦棠金運昌僅三成隊併力修壘餘仍列隊如故薄暮賊復糾大股悍黨偪何作霖蕭章開陣前寨戰各營奮威壓勦直薄金積卡前敗賊拋械滿地奪路鼠竄是役斃賊以千數百計據擒賊供是日馬化澹喉陝回余彥祿陳林馬老五馬長順馬必政沙學賢馬政國各選悍賊與官軍決死戰圍奪回長隄不料連戰連敗也訊畢斬之四日壘成就隄決水反灌金積西北該回復築隄禦之十六十七兩日劉錦棠合雙壽隊伍割寨圍進西麥苗零股賊黨護救官軍均有擒斬連日之戰劉錦棠一軍弁勇陣亡三十九名受傷一百零九名金積東南爲馬運渠從前誤呼爲波浪渠渠上新築三壘馬化澹派僞參領金嶺踞其中與官軍板橋營壘相抗二十二日五鼓劉錦棠率步隊六營徑擣其中一壘豫令陶定昇易致中伏壯士於壘前高梁叢中黎明賊開壁飲牲畜伏起壯士奪門殺入劉錦棠揮大隊隨後擁進羣賊驚起持械死關軍士短兵相接斃賊數名餘黨紛紛墮牆而下經副將趙彩照邀截狂奔左壘其越牆不及之賊二百餘名聚而殲之賊壘中搜出七月七日馬化澹僞檄喚僞協領何生州僞參領馬兆圖金嶺等助逆目王鵬力抗官軍者也據生擒賊供金嶺喊黨抗拒官軍已中槍死馬兆圖即馬八條之子並陝回頭目馬長春初八日蔡橋之戰均斃於陣矣劉錦棠以中壘既克乘勝攻左右兩壘而金積各堡援賊大至遂約金運昌合隊攻壘加調馬步隊伍擊援賊迫騎賊從東面鈔來官軍正持滿而發銳不可當騎賊敗退步賊復衝近左壘合勢穩抗維時金運昌之兵適破右壘士氣益盛劉錦棠令各路乘機撲左壘而馬步援賊復傍壘死抗雙壽余虎恩等縱馬衝突步軍繼之當者辟易援賊雖敗壘賊猶穩拒不動官軍截其去路一面整隊小憩調開花礮環攻炸彈轟入壘中壘賊始亂各營併力撲上克之乘勝進馬運渠之李花橋距金積東南正南二里將大小賊卡十一所概行踏毀餘賊有奔向西南中驚堡者有奔向正東漢伯堡者日晡

收隊卽聚賊壘自是金積與中路王洪胡家各堡聲息不通河西通昌通貴賊糧亦斷矣二十四日劉錦棠增立營壘於金積堡正東里許分馬步數路准備剿賊賊眾擁出堡外見官軍按隊勿動馬步賊漸前放槍喊中軍鼓聲起各路官軍衝入賊陣賊卽潰敗復併聚東門外卡開礮抵抗相持至初更新壘已成賊亦縮退連日之戰斃陝甘逆回約千四百名訊之生賊知逆目何標馬允吉均於十二日破壘時伏誅矣各戰劉錦棠一軍弁丁陣亡二十七名受傷一百二十一名二十五日已刻金積東南賊眾忽向西趨劉錦棠檢生賊訊知中路雷正綰黃鼎徐文秀諸軍已奪峽口之險馬化澂方喊賊往援劉錦棠令步軍列金積堡東分支沿馬連渠攻李花橋迤西賊寨馬隊越馬連渠向中爲堡鈔擊金積堡出步賊七八百搶入李花橋前寨助守礮石雨注申初西面塵氛大起劉錦棠料賊眾自西敗歸撤攻堡隊伍截之殺傷甚夥二十六日劉錦棠督隊收中爲堡一帶禾稼午後回營該堡回黨數百跟隊放槍雙壽余虎恩等返旗掩殺小有擒斬二十七八日出隊剿漢伯堡之麥二十九日出寨圍堡迤西何家坪劉菱申初金積馬賊出巢救護劉錦棠揮軍擊之斃賊數十名而奪其馬自二十五至二十九日各戰轟斃敵斃之賊六七百名生擒十五名劉錦棠一軍弁勇陣亡八名受傷九十三名又奏臣前檄中路諸軍交黃鼎會同雷正綰總統於四百戶取齊出何家堡合規峽口七月初四日雷正綰黃鼎調馬化澂僞領員袁希義綽號皮英者率悍賊先入張恩堡扼險以抗官軍是夜各派馬步潛起襲之仍畱兵守何家堡防滾泉旁盜之賊初五日黎明官軍抵張恩堡賊驚覺憑壘拒敵提督徐占彪聞定邦等揮隊猛攻拔花籬越重塹搶入外堡斃賊數十餘名賊爭入堡中並焚積薪於堡門誓以死守礮石如雨官軍環攻半日未下申刻金積援賊盡至雷正綰黃鼎分兵截擊於牛頭山合力攻堡植木爲梯冒礮石徑升而上守賊憑塚砍刺壯士登而復墜者再比令各營環濠築壘選健卒於寨旁掘地道攻之初六日五鼓地道將成悍賊二百餘開壁突圍出官軍遮其出路槍轟矛刺賊屍徧地生擒四十餘名立斬於陣陳勢搶入堡內接斬堡賊淨盡當賊眾突圍時賊目袁希義率騎數名奪路狂奔提督徐占彪急督千總張永興張占彪躡里許生擒之據供張恩堡本馬化澂先鋒袁希孟所踞袁希孟調歸金積馬化澂聞中路進兵急喊袁希義領死黨據守以固金積峽口藩籬不料官軍大至晝夜環攻不息堡陷就擒也臣維去冬雷正綰等進兵張恩堡先克東面依崖兩堡袁希孟怖駭比率西面堡眾繳械乞降雷正綰受之本年袁希孟復助馬化澂爲逆河南北遭其蹂躪此次袁希義授首居民聚觀如堵同聲稱快是役官軍弁勇微有傷亡張恩堡既克可圖峽口臣前令提督陳廣發參將馮南斌由四百戶渡河而西扼峽口北岸以收夾擊之效初十日陳廣發等訥回騎越河西劫糧整隊出廣武截賊入塔廟渡口殺斃淹斃數十名獲其輜糧餘賊有奪

船搶渡者有越山狂奔者官軍僅受傷六名而已嗣是兵扼河西而峽口之賊從龍王廟渡入塔往來納家關王家疇各回堡之路以斷雷正綰等布置後路防務揮隊進牛頭山偏峽口而壘徐文秀各營亦先後踵至會師牛頭山賊見官軍雲集連日堅壁不出意在恃險死守二十二日黃鼎約陳廣發馮南斌兵進唐渠口令各軍從牛頭山進是日馮南斌等偵零股逆賊劫糧廣武歸將乘夜出入塔偷渡峽口即伏兵八塔山溝以待二鼓逆眾絡繹而至伏起盡殲之擒生賊周閻兒楊長林據供隨同頭目馬四子自哈喇湖攜糧歸至此不料忽遇官軍馬四子已中礮落河而斃二十四日辰刻雷正綰黃鼎會攻峽口徐占彪隊伍南近賊壘賊開壁迎敵徐占彪率總兵陳春萬參將朱蘭亭各營鏖戰正酣金積進西各堡之賊絡繹來援黃鼎率提督黃有忠總兵何玉超黃虎臣陳攀仙趙興隆遊擊李洪超李登高等扼牛頭山右截之雷正綰徐文秀各軍爲策應併力將援賊擊敗轉旆勦峽口之賊賊敗退河岸陳廣發馮南斌列陣對河槍礮排轟賊兩面受敵遁伏壘中徐占彪之兵躡殺入壘徐文秀率總兵蕭寶林遊擊陳絳高繼之連破賊壘二座餘三壘爲雷正綰圍定邦各營所克殘賊東逸黃鼎派隊截之無一漏網五壘悍賊千數百名轟斃刺斃淹斃淨盡生擒賊供逆目王大閑丁逢翔馬紀成均斃壘中矣是晚復有河西接濟賊糧逆回來入塔口呼渡尙不知峽口已爲官軍所奪也陳廣發馮南斌潛起掩之盡獲其輜重二十五六七日金積各堡馬步賊數千復爭水口均經各軍擊敗擒斬千計自七月初十至二十七日斃悍賊二千餘名官軍并勇傷亡百餘名峽口既得秦漢馬連三渠之首皆爲官軍所據二十八日金積馬步賊萬餘憑漢渠列隊古靈州城護常家灘丁家堡回眾於漢渠達秦渠之處築卡濬濠以抗雷正綰黃鼎會商必先奪古靈州城破賊寨卡而後可長驅偏金積西門三十日徐文秀徐占彪越漢渠立營賊潛伏不出憑卡放槍申刻壘成徐占彪帶勇士攜火器星夜襲賊卡破之乘勝搶入古靈州城賊狂號亂竄棄壘而奔八月初一日黎明馬賊沿山包裹而來步賊分股伏漢渠隄下大股排列渠岸雷正綰飛隊擊馬賊緣山右進徐文秀各營進中路擊步賊黃鼎率大支人馬橫列步賊之左分兵傍渠布陣防伏賊部署既定副將李廣珠遊擊陳天壽都司熊祥麟躍馬突陣與馬賊相持總兵劉治均外委吳元璋張兩翼猛鈔之賊敗而復前雷正綰正揮刀督戰徐文秀隊伍一齊撲上馬賊不支沿途步賊遽起挺矛直前黃鼎督徐占彪馮南斌等橫貫賊陣縱橫盪決賊大敗歸巢屍骸枕藉各軍薄暮收隊初二日官軍步隊伏古靈州乾渠一帶馬隊向賊壕外卡挑戰適騎賊百餘出巢掠陣雷正綰整隊壓剿而前忽遇大股悍賊從廢堡中衝出勢幾不支黃鼎徐文秀立督各營將賊擊退徐占彪復率隊從乾渠內繞賊之後兩面夾攻賊大潰初三日五鼓黃鼎令徐占彪選壯士直撲賊卡賊自夢中驚起倉皇任遁官軍遂搶過賊

濠守濠之賊不敢抵拒爭入丁家堡官軍躡賊堡根卡內礮石雨注未能驟克徐占彪即扼賊卡而營雷正綰列隊濠外用
棺礮更番仰轟徐文秀督遊擊鄧增外委楊得高李勝忠施放後膛開花大礮炸彈飛落卡中當者立碎各營乘勢一躍而
入盡殲卡中賊無一脫者堡賊猶憑牆排立以拒官軍黃鼎遣各營繞漢渠出秦渠中空之地築壘斷金積援徐文秀仍連
開後膛大礮子穿牆而過堡中賊眾慌亂遂突圍而出將併趨金積堡雷正綰徐文秀催隊從堡牆缺口躍入遇賊即砍搗
殺無遺其先逸出之賊黃鼎豫派徐占彪黃有忠朱蘭亭胡起雲等挺矛以待得脫免者十餘騎而已擒生賊常愷供本係
靈州廩生同治二年陷入金積者馬化澹以丁家堡地形扼要唆逆子馬耀邦馬健邦等領悍賊駐守初二等日兩戰悍
目楊自得即楊大娃子及關成丁永等均經官軍陣斬逆子馬耀邦等敗走洪樂堡初三日丁家堡破逆目了一剛伏誅堡
內開壁遁者逆孫馬進孝也初四日官軍乘全勝之勢分途攻勦連克金積西路漢渠內外五六里小堡二十餘座羣賊望
風披靡官軍徑逼洪樂堡未下徐文秀徐占彪所部作長圍困之黃鼎率馬步攻洪樂堡金積仍出悍賊應援官軍奮威衝
殺斃賊極多日暮收隊連日各戰斃賊三千有奇生擒五十餘名各軍傷亡弁勇二百餘名初八日洪樂堡之戰黃鼎所部
營官何玉超李洪超幫辦李全貴皆帶槍傷益血戰矣臣維中路此次進兵未及一月連破堡寨數十座直抵金積老巢其
得勢猶在峽口數戰此關一開賊在掌握非黃鼎堅持成算布置之詳赴機之速諸將士進攻之猛未易殫述此見計金積西
門外僅存者洪樂四堡馬家三堡丁家三堡臣見飭雷正綰黃鼎會同劉錦棠金運昌相機圖之上諭軍機大臣等北路
劉錦棠等各軍進逼金積老巢疊次大獲勝仗奪取蔡橋水口越過賊濠立營乘勝攻克小何家寨蔡家寨等處賊巢大股
援賊屢經擊敗踴毀金積附近賊卡十餘處官軍逼賊而營金積與王洪胡家各堡聲息不通河西通昌通貴賊糧亦斷正
可乘此破竹之勢迅拔堅巢將馬化澹及著名各逆目悉數擒斬以竟全功中路雷正綰等各軍又將張恩堡峽口奪回連
克金積西路各卡壘險要既得賊勢更蹙金積西門外僅存洪樂等數堡左宗棠已飭雷正綰黃鼎會同劉錦棠金運昌相
機進剿自不難一律廓清見在中北兩路官軍業已聲勢聯絡合力大舉事機極為順利金積已成孤立斷難久支賊眾糧
獸釜魚諒不能再施詭計是在該大臣妥為調度迅奏膚功以慰厯繫將此由六百里諭令知之○子甘肅陣亡副將趙彩
照祭葬世職○丁卯以江北漕船阻滯諭丁寶楨速籌轉運○諭左宗棠籌濟成祿軍餉○戊辰諭軍機大臣等劉嶽昭岑
毓英奏收復新興州城見籌辦理情形暨提督馬如龍疊著勤勞墊發餉銀各摺片雲南新興州城久被逆回占踞經提督
馬如龍督兵進剿斷其糧路連破王枕山灰窯及附城逆壘多處四面偪攻殲斃逆眾無數當將州城克復逆首田慶餘等

均已檢獲正法勦辦尙爲得手惟就撫降眾多係建水河西所屬之館驛東溝難民該一處尙未肅清難以分遣回籍馬如龍見已派員清查戶口令該難民等暫居州城並於城內及後裕鄉等處派兵駐紮卽著該督等飭令在事員弁隨時認真彈壓安籌善後事宜以期漢回相安免致另生枝節興化既克自應迅期東溝館驛等處迅掃逆氛馬如龍因傷發回省調治先派都司王正坤等規取東溝館驛該提督當趕緊調理痊愈卽時前往督剿以資得力收復新興出力人員俟東溝館驛肅清彙案請獎至馬如龍連年剿匪均能身臨戰陣奮勇圖功深堪嘉尙此次進剿新興於湖南撥餉未到時復籌墊餉銀三萬兩洵屬顧全大局敵愾同仇著發去白玉翎管一支白玉搬指一箇火鏢一把大荷包一對小荷包兩箇交提督祇領以示優異將此由五百里各諭令知之○予雲南陣亡遊擊馮勝標祭葬世職○已已諭軍機大臣等前據曾國藩奏已革天津府縣已於八月二十八日押解起程至今尙未到部聞該軍員等見抵通州張光藻因病未能前進著萬青黎王榕吉卽行派員前赴通州將張光藻劉傑刻卽解送刑部不准藉病遷延將此各諭令知之○諭曾璧光奏川軍退紮牛場黔省軍務緊迫請飭川楚兩省仍前進取各摺片川楚援黔歷有年所今夏兩軍剿匪得手營壘相望聲息漸通曾經諭令乘勝進取以竟全功何以唐炯當聲威正盛之時不候咨會不俟接防遽將全軍撤退致苗匪勢復猖獗提督陳希祥以孤軍無援退紮貴定等處實屬貽誤事機著崇實吳棠查明該道擅退情形據實參奏曾璧光摺內稱唐炯本擬移師楊老以圖下司分規都勻凱里積聞川督有裁撤安定果毅兩營之議已具稟聽候遣撤遂移紮平費就糧以待批示等語是崇實吳棠於疊次諄諄諭旨並未實力奉行惟以節省餉需爲事殊屬不知緩急況近防不如遠剿援黔卽以保川豈可畛域攸分不顧大局仍著崇實吳棠嚴飭唐炯迅速進兵與楚黔各軍聯絡聲援以收夾擊之效不得再涉遷延致干重咎見在秋氣已深劉崐當懷遵前旨督飭席寶田等軍仍前進取期與川兵勢成犄角迅奏廓清毋稍觀望曾璧光身任黔撫責無旁貸務當督飭各營分剿上下兩游以與援軍會合綏靖嚴疆將此由六百里各諭令知之○庚午諭軍機大臣等文碩奏遣送厄魯特人眾並密陳巴彥特古斯觀望情形各摺片前因厄魯特人眾欲回布倫托海經福濟酌給牛羊銀兩令其折回諭令福濟迅飭巴彥特古斯等派員迎護並令奎昌等一體飭屬護送茲據文碩奏厄魯特人眾兩月之久始至青格里河一帶意欲盤踞度冬見接巴彥特古斯來文以布城難以安插請示遵行意存觀望等語該人眾沿途逗畱依然搶掠亟應妥爲控馭著奎昌文碩迅速將青格里河一帶認真保護並設法將該人眾等暫示羈縻毋令擾害地方文碩自請議處之處著加恩寬免該厄魯特人眾應如何妥爲駕馭俾就範圍之處著福濟斟酌情形會商奎昌文碩妥籌辦理以靖邊陲著領

隊大臣巴彥特古斯何以不派員迎設是否意存觀望並著福濟確查具奏一面嚴飭該領隊遵奉前旨派委委員迎護收管俾得各安生業將此由六百里各諭令知之○諭崇實奏遵義教案辦理就緒請將出力官紳酌保總理各國事務衙門奏貴州教案未結請飭崇實仍赴遵義籌辦各摺片前據曾璧光奏黔省教案九起全行議結並未將如何議結之處詳細聲敘此次崇實摺內所稱設堂行教一事業經開導就緒而教士遲久並無出省日期是民教兩面尚未切實議結不得遽謂完案據法國使臣羅淑亞照會內開轉據任教士函稱貴州各案入奏之後並無會同甘結且臚列遵義等處教案亦未設法辦理等語可見該教士並未帖服是否各案本末議妥含糊了結抑係該教士之言不實不盡若不趕緊辦妥仍爲不了之局崇實見已起程回省著即迅速折回馳赴遵義會同曾璧光督飭余思樞等安速籌辦總須民教兩面各無異詞實有完案確據方不至再滋口實所有此案辦理出力官紳著俟全案完結後准由崇實會同曾璧光擇尤酌保總理各國事務衙門摺著鈔給閱看將此由六百里各諭令知之○壬申諭軍機大臣等金順奏官軍截剿沿山竄賊獲勝一摺同逆馬化蔭因河東官軍進攻寨堡喊令河西回酋馬沅糾合馬賊數百由西山竄入潮湖一帶沿山肆擾以圖阻截軍糧經金順會同張曜督飭副都統托雲佈等軍截剿獲勝槍斃逆酋馬沅其阿拉善旗沙拉布爾都地方馬賊亦經副將郝永剛等馳往迎剿該匪向西竄逸據獲賊供稱西甯回匪有欲由草地東竄之說見在劉錦棠黃鼎各軍於中北各路連克寨壘金積堡勢已大覺該逆四出紛擾自在意中而西路賊眾又圖東竄防範豈可稍疏即著金順會同張曜選派得力馬步各隊分路巡防毋令河西逆匪再圖竄突以顧湘卓兩軍糧道並飭各軍嚴防東竄之匪遇賊即擊不得稍有鬆勁將此由六百里諭令知之○諭劉岷奏援黔各軍蕩平苗寨暨川軍撤退仍請飭令進兵各摺片湖南援黔各軍自攻克亮擺嚴門司等城寨後提督唐本有等復督隊攻毀花灘各巖洞及四星各寨又將朗洞城池攻克附近數十里賊寨一律蕩平八寨諸苗已有畏威乞撫者楚軍擬乘勝進規台拱若川軍通力合作進剿凱里諸寨不難將逆苗醜類次第殲除乃崇實失察不知顧持大局輒因省餉撤兵唐炯一軍遂回牛場費安候撤以致資谷隴已有賊蹤重安黃平復爲賊踞實屬貽誤事機前據該將軍等奏請截汰援黔兵丁卽諭令汰弱雷強仍飭唐炯會合席寶田等軍合力進攻不可遽行鬆勁何以不候諭旨竟撤援軍素已成之功貽將來之患不知緩急一至於此曾璧光前次奏到已嚴諭崇實等迅飭唐炯進兵不得遷延干咎著卽懷遵前旨檄令唐炯剋期拔隊迅赴戎機時已秋涼劉岷卽當催令席寶田督兵迅平台拱毋任賊勢復張唐炯此時應否進紮黃平抑或卽會楚軍兜剿清江南岸著斟酌情形辦理台拱若平苗疆善後及進取事宜尙須悉心經理席寶田未可

遽行離營屆時仍著劉岷酌度奏聞劉岷所奏唐炯致席寶田函內有川省函商黔中全撤川師月協餉五萬歸黔自辦聞黔中意甚欣然等語黔省兵力豈能不須協助即敷勦辦理留璧光果允其議何以前奏又請飭催川軍唐炯所言恐非確實著留璧光詳細具奏戈鑑一軍出力員弁准劉岷先行酌保其餘各營出力人員著暫行存記俟攻克台拱併案請獎將此由六百里各諭令知之○予貴州陣亡副將朱長林等祭葬世職○癸酉諭軍機大臣等魁玉奏覆陳審訊兇犯大概情形一摺張汶詳以漏網髮逆膽敢直入督署戕害重臣實屬罪大惡極該犯自知必遭極刑所供各情一味支離見雖將該犯家屬尋獲到案而何人主使尚未究出終不足以成信讞張之萬計已馳抵江甯即會同魁玉惶遽疊次諭旨督飭司道各員設法根究務將因何起意行兇及受人指使各情一一究出盡法懲辦以申國憲至督署重地竟容閑人出入毫無覺察是日守門官役魁玉是否提問何以未據奏及時金彪一名已否由山西解到新市鎮軍犯既與張汶詳平日來往亦當密擎到案從旁引證或可究出真情並著魁玉張之萬多方研訊務得確實情形毋稍含混將此由五百里各諭令知之○諭左宗棠穆圖善奏西路馬隊官兵剿賊績勝一摺甘省西路逆匪在松山等處及平番古浪各縣屬四出搶掠經委營統領爾慶額及代理統領常明等帶隊分路截擊殲斃多名剿辦尙屬奮勇惟省西一帶零星匪股出沒靡常若不痛加剿洗誠恐伺隙紛擾大爲糧路之患著左宗棠穆圖善督飭各軍於平番等縣屬將各股匪眾實力痛剿務期淨絕根株以清糧路將此由五百里各諭令知之○甲戌諭內閣前因天津府知府張光藻天津縣知縣劉傑於民教起釁一案事前疏於防範事後又不能迅速獲犯當經降旨革職交刑部治罪嗣經曾國藩等取具親供並將革員等押解到部茲據刑部奏請按照刁民滋事地方文職不能彈壓撫恤革職例上從重擬以發往軍臺效力並以案情重大應如何從重改發之處請旨等語該府縣責任地方乃於津民聚眾滋事不能設法防範致匪徒乘機焚殺戕害多命又未將兇犯趕緊拿獲情節較重且該革員等於奉旨交刑部治罪後張光藻竟敢私往順德劉傑亦私往密雲任意逗雷尤屬藐玩張光藻劉傑均著從重改發黑龍江效力贖罪以示懲儆至津民因懷疑激忿不遵地方官彈壓輒敢逞兇殺害至二十餘命之多且將其仁慈堂內真女慘殺尤爲兇殘見經曾國藩等拿獲滋事人犯審明分別情節輕重將馬癩子等十五犯擬以正法小錐王五等二十一犯擬以軍徒既屬情真罪當即照所擬將馬癩子等即行處決小錐王五等分別發配安置經此次嚴辦之後各直省地方官務當曉諭居民安分守法毋任再滋事端遇有中外交涉事件並須按照條約持平妥辦總期中外商民彼此相安以靖地方○諭軍機大臣等前據曾國藩等奏天津案內應行正法各犯當諭令候刑部議奏張光藻等罪名時再降諭旨本日刑部奏遵議張光藻等罪

名一摺已明降諭旨將該革員等從重改發黑龍江其應行正法之犯照旨國藩所擬即行正法軍流各犯並照所擬辦理此案大致見已就緒所有應訊人犯著旨國藩等迅速訊明持平辦理妥爲了結一面遴派幹員於天津地方彈壓拊循毋令莠民乘機煽惑聚眾滋事別釀費端○大學士兩江總督曾國藩六十生辰賜 御書扁額曰勛高柱石並賞 御書福壽字暨珍玩文綺○乙亥諭軍機大臣等福濟等奏遵籌防剿情形一摺據稱額爾德呢招竄匪仍由原路退去見在賊在額哲呢河盤踞阿畢爾米特旗下金山卡倫有賊阻滯該匪仍多伏莽非厚集兵力後患終不能除請飭庫倫辦事大臣張廷岳帶領該處蒙兵其綏遠城張家口馬隊統歸調遣迎頭堵擊等語賊蹤飄忽靡常原應防其竄擾惟張廷岳究應駐兵何處方足聯絡聲勢所帶各隊應由何路進剿蒙兵是否得力應調若干並未據福濟等籌及又前調馬隊業據福濟等奏稱否照綏遠城張家口暫行停止見在應否調撥著福濟等與張廷岳酌量緩急情形迅速詳細具奏福濟等奏賊屯處所距竄台之路較近難保其不隨時竄突福濟張廷岳等仍當妥籌防剿不得坐誤機宜該匪到處奔竄必須就各該地面隨時堵截著成祿在肅州一帶嚴密搜捕斷賊來路並著文麟景康伊勒屯何瑄於哈密巴里坤等處勦加偵探遇賊即擊扼其去路以遏逆氛將此由五百里諭知福濟榮全錦丕勒多爾濟文麟景康張廷岳伊勒屯成祿並傳諭何瑄知之○戊寅諭軍機大臣等曾國藩等奏續訊天津案內第二批人犯分別定擬一摺此次續拿各犯既據旨國藩等單開訊明情節輕重著照該督等所擬將劉二等五犯即行正法鄧老等四犯分別發配安置曾國藩等接奉此旨後所有先後定擬正法之犯二十人軍徒各犯二十五人即行分別辦理庶可迅速完案羅淑亞派繙譯官德微理亞前赴天津修具切結並確查燒燬房屋被搶物件以便議償曾國藩等本係特簡查辦津案之員此時該繙譯業已抵津修堂撫恤諸事在津易於定議即著該督等晤商德微理亞妥籌辦理迅速具奏將此由六百里各密諭知之○諭崇實吳棠奏請將統兵道員摘頂並通鑄川黔大局一摺黔省軍務自清水江北岸肅清事機順利正宜乘此聲威合力進剿以竟全功乃唐炯因川楚兩省有減兵節餉之議並不妥議稟覆聽候批示輒將所部川軍擅自撤回平寶實屬貽誤事機姑念前次克復地方著有微勞著先行摘去頂帶以示薄懲前據曾璧光劉崐先後奏到川軍撤退情形疊經諭令崇實吳棠嚴飭唐炯迅速進兵與楚黔各軍聯絡夾擊劉崐前奏並有楚師進規台拱川軍進剿凱里諸寨之議著崇實等體察情形悉心籌畫應否改由都勻入寨進規凱里或仍由重安江派兵南渡飭令唐炯剋期拔隊前進實力勦辦以贖前愆並著劉崐檄催席寶田迅督所部會合進攻以收夾擊之效至疲弱兵勇本不應濫充數豈待餉需支絀始議裁汰又豈可因裁汰疲弱停兵不進坐失機宜崇實吳

棠劉峴務當懷遵疊次諭旨安速籌辦以維全局總須飭令各軍彼此聯絡策應立於不敗之地斷不可意存畛域各懷觀望致誤戎機儻不以大局爲重進止不齊以致日久糜餉老師辦無成效定將統兵各員從嚴懲治即該督撫等亦不能辭咎也督璧光身任黔撫實無旁貸亦當督飭黔軍力圖進剿不得專恃援軍自甘頽靡貴州教案未結崇實著仍遵九月初七日諭旨前赴遵義會辦趕緊結案將此由六百里各諭令知之○亢崇實奏畱丁憂提督陳希祥幫辦軍務○撥直隸河南山東旗租地丁銀各三萬兩備永定河工需○辛巳諭軍機大臣等曾國藩奏遵旨赴任兩江懇請陛見並請將主事陳蘭彬帶至江南暨續獲正犯范泳擬即換釋穆巴各摺片穆巴一犯證佐既未的確何以前奏遽擬死罪著即日釋放以重人命其續獲之范泳既屬供證確鑿爲放火燒房正兇著照該督等所請歸案正法曾國藩接奉此旨即著將應辦各事懷遵九月十五日諭旨迅速辦理毋再稽延曾國藩即著來京陛見該督起身後李鴻章著仍駐天津勿遽回省務將彈壓撫綏各事宜妥爲籌辦俟津郡中外諸事大定再行請旨主事陳蘭彬著准由曾國藩帶往江南差遣委用將此由六百里各諭令知之○壬午諭軍機大臣等金順奏回匪竄擾西山歸德溝等處分隊剿辦獲勝一摺朕回賊首張志沅糾眾竄至西山邊之歸德溝一帶南北回堡潛出賊騎附台意圖阻劫糧道經托雲佈等督軍進剿賊遂大潰該匪情急反噬再戰於空湖拉地方復經我軍殺斃百餘名敗匪越嶺而遁著金順會商張曜督飭派出各軍將逃匪餘匪技捕淨盡務絕根株蘇逆受傷衝散是否殲斃著查明實在下落毋任漏網南北兩路回堡見大礮陸續到營益懷疑懼糾黨拚死竄突自在意中金順務當與張曜悉心籌畫嚴密布置一俟礮位運齊即著實力進攻迅殲醜類王家疇莊賊匪前曾乞撫恐不可恃見在籌辦情形並著隨時奏聞將此由六百里諭令知之○諭劉嶽昭岑毓英奏官軍攻克激江城外賊巢一摺激江府城踞逆於城外分築土城石礮負隅抗拒經岑毓英親督各軍進剿疊將西山村西街子及上下左所等處賊巢攻破附城四面賊營一律毀平剿辦甚爲得手見在僅餘孤城外援已絕釜底游魂諒難久延殘喘岑毓英見已回省辦理聞務激江既經合圍斷不可稍涉鬆勁著劉嶽昭岑毓英飭令岑毓英等合力圍攻迅圖克復將此由五百里各諭令知之○甲申諭軍機大臣等富明阿等奏查出軍營無著官兵各缺請由原旗揀放一摺各省節年徵調吉林官兵傷亡病故各遺缺見經富明阿等查明各路軍營實有吉林官兵二千六百十二員名覈與通省見在軍營實數計無著防禦一員雲騎尉一員兵缺六百六十三分此項空缺既係軍營存營兩無著落額缺豈可久懸即著照該將軍等所擬准其由吉林原旗按缺揀補以昭覈實而免懸曠○諭陝甘回匪滋事以來朝廷軫念西陲大申撻伐特令左宗棠爲欽差大臣督兵剿賊厚集兵力寬予限期子

濠守濠之賊不敢抵拒爭入丁家堡官軍躡賊堡根卡內礮石雨注未能驅克徐占彪即扼賊卡而營雷正綰列隊濠外用槍礮更番仰轟徐文秀督遊擊鄧增外委楊得高李勝忠施放後膛開花大礮炸彈飛落卡中當者立碎各營乘勢一躍而入盡殲卡中賊無一脫者堡賊猶憑牆排立以拒官軍黃鼎遣各營繞漢渠出秦渠中空之地築壘斷金積援徐文秀仍連開後膛大礮子穿牆而過堡中賊眾慌亂遂突圍而出將併趙金積堡雷正綰徐文秀催隊從堡牆缺口躍入遇賊即砍殺無遺其先逸出之賊黃鼎豫派徐占彪黃有忠朱蘭亭胡起雲等挺矛以待得脫免者十餘騎而已擒生賊常愷供本係靈州廩生同治二年陷入金積者馬化澹以丁家堡地形扼要喉逆子馬耀邦馬健邦等領悍賊駐守初二等日兩戰悍目楊自得即楊大娃子及關成丁永等均經官軍陣斬逆子馬耀邦等敗走洪樂堡初三日丁家堡破逆目丁一剛伏誅堡內開壁遁者逆孫馬進孝也初四日官軍乘全勝之勢分途攻剿連克金積西路漢渠內外五六里小堡二十餘座羣賊望風披靡官軍徑徧洪樂堡未下徐文秀徐占彪所部作長圍困之黃鼎率馬步攻洪樂堡金積仍出悍賊應援官軍奮威衝殺斃賊極多日暮收隊連日各戰斃賊三千有奇生擒五十餘名各軍傷亡弁勇二百餘名初八日洪樂堡之戰黃鼎所部營官何玉超李洪超幫辦李全貴皆帶槍傷益血戰矣臣維中路此次進兵未及一月連破堡寨數十座直抵金積老巢其得勢猶在峽口數戰此關一開賊在掌握非黃鼎堅持成算布置之詳赴機之速諸將士進攻之猛未易殫此見計金積西門外僅存者洪樂四堡馬家三堡丁家三堡臣見飭雷正綰黃鼎會同劉錦棠金運昌相機圍之 上諭軍機大臣等北路劉錦棠等各軍進徧金積老巢疊次大獲勝仗奪取蔡橋水口越過賊濠立營乘勝攻克小何家寨蔡家寨等處賊巢大股援賊屢經擊敗踴毀金積附近賊卡十餘處官軍徧賊而營金積與王洪胡家各堡聲息不通河西通昌遠貴賊糧亦斷正可乘此破竹之勢迅拔堅巢將馬化澹及著名各逆目悉數擒斬以竟全功中路雷正綰等各軍又將張恩堡峽口奪回連克金積西路各卡壘險要既得賊勢更蹙金積西門外僅存洪樂等數堡左宗棠已飭雷正綰黃鼎會同劉錦棠金運昌相機進剿自不難一律廓清見在中北兩路官軍業已聲勢聯絡合力大舉事機極為順利金積已成孤立斷難久支賊眾糧斷金魚諒不能再施詭計是在該大臣妥為調度迅奏膚功以慰屢繫將此由六百里諭令知之○子甘肅陣亡副將趙彩照祭葬世職○丁卯以江北漕船阻滯諭丁寶楨速籌轉運○諭左宗棠籌濟成祿軍餉○戊辰諭軍機大臣等劉嶽昭岑毓英奏收復新興州城見籌辦情形暨提督馬如龍疊著勤勞墊發餉銀各摺片雲南新興州城久被逆回占踞經提督馬如龍督兵進剿斷其糧路連破玉枕山灰窯及附城逆壘多處四面偏攻殲斃逆眾無數當將州城克復逆首田慶餘等

均已擒獲正法勦辦尙爲得手惟就撫降眾多保建水河西所屬之館驛東溝難民該二處尙未肅清難以分遣回籍馬如龍見已派員清查戶口該難民等暫居州城並於城內及後裕鄉等處派兵駐紮卽著該督等飭令在事員弁隨時認真彈壓妥籌善後事宜以期漢回相安免致另生枝節興化既克自應進剿東溝館驛等處迅掃逆氛馬如龍因傷發回省調治先派都司王正坤等規取東溝館驛該提督當趕緊調理痊愈卽時前往督剿以資得力收復新興出力人員俟東溝館驛肅清彙案請獎至馬如龍連年勦匪均能身臨戰陣奮勇圖功深堪嘉尙此次進剿新興於湖南撥餉未到時復籌墊餉銀三萬兩洵屬顧全大局敵愾同仇著發去白玉翎管一支白玉搬指一箇火鍊一把大荷包一對小荷包兩箇文提督祇領以示優異將此由五百里各諭令知之○子雲南陣亡遊擊馮勝標祭葬世職○已已諭軍機大臣等前據曾國藩奏已革天津府縣已於八月二十八日押解起程至今尙未到部聞該革員等見抵通州張光藻因病未能前進著萬青黎王榕吉卽行派員前赴通州將張光藻劉傑刻卽解送刑部不准藉病遷延將此各諭令知之○諭曾壁光奏川軍退紮牛場黔省軍務緊迫請飭川楚兩省仍前進取各摺片川楚援黔歷有年所今夏兩軍勦匪得手營壘相望聲息漸通曾經諭令乘勝進取以竟全功何以唐炯當聲威正盛之時不候咨會不俟接防遽將全軍撤退致苗匪勢復猖獗提督陳希祥以孤軍無援退紮貴定等處實屬貽誤事機著崇實吳案查明該道擅退情形據實參奏曾壁光摺內稱唐炯本擬移師楊老以圖下司分規都勻凱里續聞川督有裁撤安定果毅兩營之議已具稟聽候遣撤遂移紮平甕就糧以待批示等語是崇實吳案於疊次諄諄諭旨並未實力奉行惟以節省餉需爲事殊屬不知緩急況近防不如遠剿援黔卽以保川豈可畛域攸分不顧大局仍著崇實吳案嚴飭唐炯迅速進兵與楚黔各軍聯絡聲援以收夾擊之效不得再涉遷延致干重咎見在秋氣已深劉岷當懷遵前旨督飭席寶田等軍仍前進取期與川兵勢成犄角迅奏廓清毋稍觀望曾壁光身任黔撫責無旁貸務當督飭各營分剿上下兩游以與援軍會合綏靖嚴疆將此由六百里各諭令知之○庚午諭軍機大臣等文頤奏遠送厄魯特人眾並密陳巴彥特古斯觀望情形各摺片前因厄魯特人眾欲回布倫托海經福濟酌給牛羊銀兩令其折回諭令福濟迅飭巴彥特古斯等派員迎護並令奎昌等一體飭屬護送茲據文頤奏厄魯特人眾兩月之久始至青格里河一帶意欲盤踞度冬見接巴彥特古斯來文以布城難以安插請示遵行意存觀望等語該人眾沿途逗遛依然搶掠亟應妥爲控馭著奎昌文頤迅速將青格里河一帶認真保護並設法將該人眾等暫示羈縻毋令擾害地方文頤自請議處之處著加恩寬免該厄魯特人眾應如何妥爲駕馭俾就範圍之處著福濟酌酌情形會商奎昌文頤妥籌辦理以靖邊陲著領

皆而又通曉時務之員遇教士非分之求不得曲爲遷就遇條約應辦之事亦當妥爲撫綏庶中外相信不至再滋事端將此各諭令知之○左宗棠奏劉錦棠軍進駐金積東南李花橋金運昌軍進駐正北蔡橋七月初十日三鼓金運昌派隊襲秦渠迤北賊卡提督方庭芝所部直薄卡前參將董布亮王廣越遊擊何文繼暨梯先登士卒繼之守賊驚覺憑牆死拒守備翼心明鈔過卡西築包圍落卡內火起數丈燒斃卡賊多名各營從卡北乘機撲入克之西南秦壩關丁韓各寨賊出援經金運昌督總兵張懷玉副將王化成高得勝等分路截擊均敗遁回巢初一日黎明金運昌之軍攻正西韓寨破毗連韓寨二小壘賊登時驚潰提督王鳳鳴馬隊掩之河干擒斬過半乘勝越秦渠衝入西南各賊卡弁勇奮厲無前遇賊卽砍守賊紛紛鼠竄是時劉錦棠合雙壽隊伍擊賊李花橋西將散布各莊內外賊眾一律殲除正會同金運昌馬步併力躡蹤追剿見金積堡突出悍賊應援官軍頓旗待之援賊喊敗賊合勢回撲劉錦棠當左路金運昌當右路揮隊奮擊賊大潰劉錦棠縱馬步躡過馬連渠金運昌之兵躡近金積西北寨根克秦渠水口兩賊卡而還是役共斃賊千三百餘名生擒賊九十餘名奪槍械三四十餘件弁勇陣亡二十名受傷至一百九十九名初二日劉錦棠金運昌會商綠茶橋溯秦渠而西賊壘鱗次非合力攻拔不能徑薄秦壩關也比令馬步進隊賊見官軍雲集棄壘狂遁雙壽余虎恩等縱馬躡殺秦壩關之西突出騎賊數百劉錦棠整隊截之訊所擒生賊知卽中路黃鼎諸軍自古靈州剿敗東奔者嗣是各軍日割刈秦壩關一帶秋稼賊踰伏不出初四夜金運昌率提督宋朝如張懷玉選壯士攜鎗鎗襲秦壩關堡迤西之大河家寨環攻至初五日黎明金運昌按隊稍憩力扼東南堡門賊從堡內鑿小竇遁出西北官軍佯爲不知俟賊出漸多縱馬步猛鈔之得脫免者無幾軍士乘勢劈寨門而入見守賊之經槍斃者屍骸枕藉據生賊供逆目何一會已伏誅堡內矣同時劉錦棠雙壽出隊越山水溝搶割胡家堡之麥王洪等寨出悍賊救護官軍亦有斬馘劉錦棠回營得中路各軍徑徧洪樂堡之信卽繞赴雷正綰黃鼎營中會商不先奪秦壩關無以聯絡西北官軍營壘而斷馬家灘接濟金積賊糧之路十二日劉錦棠金運昌雙壽所部直指秦壩關金積賊眾悉銳抗拒官軍分中左右三路綠秦渠直上奮威衝擊鎗轟矛刺賊勢披靡官軍馬步緊躡至秦壩關西南近石屹塔黃鼎雷正綰徐文秀整隊接應賊狂奔四散劉錦棠連環收隊賊復糾馬步回撲二里許提督陶定昇譚拔萃易致中喻執益周國勝等合雙壽馬隊勇殿後賊不敢近復撲金運昌隊伍金運昌沿波浪渠返旆而西與劉錦棠所部夾擊之賊奔回金積而秦壩關仍未能下計各戰轟斃刺斃之賊七百有奇據生賊供陝回余彥祿之弟僞副帥余彥喜十二日與官軍戰敗而復前中礮落馬斃於陣連日官軍弁勇陣亡六名受傷九十餘名劉錦棠七月二十七日築壘

金積堡東逆首馬化澁畏官軍之逼復於堡東添築卡壘嚇黨死拒十三日黎明徐文秀派遊擊鄧增等帶後膛開花大礮螺絲礮合劉錦棠雙壽馬步進攻甫抵賊壘金積援賊傾巢而出劉錦棠分兵列陣堵之專用大礮攻壘壘牆洞穿賊眾稍亂軍士直薄壘前擲草填濠而上守賊木石齊下援賊亦合勢撲來提督蕭章開何作霖等督隊擊援賊敗之雙壽余虎恩軍功董福祥馬步旋踏平壘北賊卡提督李占椿李雲貴陶定昇易致中乘勝率弁勇緣壘牆礮眼探附而登守賊拚拒格鬪逾時乃悉就戮據生賊供官軍大礮子落壘中斃傷賊數十名眾懼思遁馬化澁三次傳僞令堅守逆目楊洪杰梁惠一亦死拒不退壘破始伏誅訊畢斬之立派隊駐其壘十四日金積賊巢悉眾撲犯經官軍田雞勞山礮竟日環轟而退十七日劉錦棠赴黃鼎徐文秀營中計事見金積堡賊出排列西北三里許比飛調步隊分兩路進剿雙壽率營總吳俊花良阿合余虎恩等馬隊爲左右翼鏖戰正酣金運昌聞礮聲大震率隊踵至併力壓剿賊大敗歸巢各戰斃賊七百數十名生擒三十餘名官軍弁勇陣亡三十六名受傷一百四十六名金積堡東門迤北統呼爲東關列壘鱗次去歲官軍大捷吳忠堡時陝回眷屬盡徙居關內關外築堅寨斜築甬道護之自十三日劉錦棠所部連破賊壘進駐之後距東關賊寨僅百步十七夜劉錦棠令軍士銜枚襲之寨賊驚覺鳴角放槍金積悍賊譁起抗敵劉錦棠伏兵寨西南護築礮壘以大枝隊伍擊援賊火器併發夜明如晝相持至五鼓援賊悉數敗遁而礮壘亦成劉錦棠選銳卒攻寨間以開花礮測準轟之十八日天明金運昌隊伍齊至聲勢益壯午初寨牆經大礮轟裂守賊慌亂軍士乘機猛進克其外卡遂從寨牆缺口躍入拔之寨中包裹無數小寨守賊自量不支或壓牆而下或開壁狂奔雙壽余虎恩何作霖等正攔途遮截金積各寨之賊復冒死來援金運昌令提督尹興茂等力扼之援賊縮退劉錦棠催隊躡各小寨敗賊跟蹤搶入東關關內賊眾憑街口死鬪軍士短兵巷戰馬隊鈔過束關之北賊眾失措乃護眷循金積寨東狂遁而南輜重拋棄滿道官軍立將關外寨卡二十三座次第踏毀焚關內鋪屋三四千所十九日調陝回護逆眷敗踣金積南門牆根與正南李花橋迤西賊寨爲犄角二十日黎明劉錦棠金運昌雙壽會師進剿行過李花橋陝甘逆眾麇集各莊寨排列官軍步隊分數路布壘陣如牆而進馬隊稍取遠勢鈔之衝般里許步賊仍返旆死拒騎賊亦下馬回撲益陝回方護眷徙西門故嚇悍黨漸後也何作霖方庭芝花良阿等揮刀砍陣斃悍賊多名賊始敗潰軍士乘勢攻拔各寨卡自是金積東南北三面蟻穴埽平劉錦棠壓東關而壘俯瞰金積老巢各戰共斃陝甘回逆四千有奇生擒三百九十餘名陣斬逆目馬萬成馬雲程馬占德馬玉莖余老二陳喜等連日各軍其陣亡二百名受傷至六百九十七名之多攻堅血戰之苦如此中路雷正綰黃鼎徐文秀諸軍自八月初四日連克金積西路

漢渠內外賊寨徧徧洪樂堡賊黨連日增築卡壘於田家橋石屹塔與老馬家丁家各堡聯成一片爲堅護洪樂死抗官軍之計洪樂堡者逆首馬化澹祖墳所在俗傳風水有異者也雷正綰黃鼎會商必先破老馬家各堡而後可專攻洪樂初八日徐文秀合提督徐占彪總兵陳春萬蕭寶林參將朱蘭亭所部合圍老馬家堡攻一晝一夜連放後膛開花大礮堡牆轟裂丈餘軍士乘機猛撲平其外壕守賊憑堡放槍力扼堡牆缺口相持至初九日洪樂各堡賊眾疊起赴援黃鼎督總兵何玉超黃虎臣遊擊李登高等從米姑寺一帶徑襲洪樂之虛雷正綰督總兵劉治均副將李廣珠遊擊陳天壽外委吳元璋馬步隨後策應洪樂援賊見官軍直搗其巢悉入堡內拒守總兵陳肇仙趙興隆隊伍跟蹤躡殺何玉超等繼之瞭見金積塵氛大起援賊兩路鈔來洪樂堡敗賊亦回頭死鬪槍礮三面對轟各營勢幾不支黃鼎急令黃虎臣率隊橫貫賊陣接應趙興隆遊擊楊真山之兵雷正綰合馬隊下馬持矛合步軍併力衝殺徐文秀亦派遊擊陳締高部眾從老馬家之旁截援賊右路各軍士奮威壓剿賊眾大潰鼠竄歸巢老馬家堡之賊見外援已絕堡寨垂危勢甚慌亂徐文秀蕭寶林執旗先登徐占彪等一齊躍上拔之盡殲堡賊無一脫者初十日天明各軍進石屹塔平賊壘三座就地割刈秋稼殆盡徐文秀率隊駐之自是傍秦渠沿黃流迤北達金運昌營壘聲息以通十二日金積秦壩各堡賊眾紛紛東竄雷正綰黃鼎徐文秀方督所部分道攔截石屹塔一帶適劉錦棠金運昌大隊自東壓剿而西兩面鈔擊斬賊極多十三日黃鼎派提督黃有忠偪田家橋賊壘而營十六日各軍併力攻之黃鼎徐文秀列隊防援賊雷正綰一軍爲前驅黃有忠護大礮對賊壘緊轟裂其牆垣雷正綰督李廣珠陳天壽千總胡起雲一齊躍入立拔其壘守賊有墮牆遁者官軍正內外鈔殺金積洪樂各堡大股援賊虜至矣黃鼎督徐占彪等擊洪樂之賊徐文秀督副將彭清和等擊金積之賊屢戰逾時蕭寶林躍馬砍陣軍士競奮短兵相接銳不可當兩路援賊大潰黃鼎揮軍士撲田家橋毗連各賊壘陳春萬黃有忠黃志元帶隊平壕冒險力攻克之十七日黃鼎進軍田家橋馬化澹復遣其弟馬玉澹陝回西彌頭目普洱馬阿洪仍赴黃鼎軍前哀詞乞撫黃鼎諭令先繳馬械毀平堡寨馬化澹求官軍暫退峽口黃鼎不許連日金積堡外賊眾悉趨西門其向滾泉羅山竄遁者黃鼎令駐韋州滾泉馬家河灣各軍截之疊有擒斬二十三日派徐占彪潛師夜起擣洪樂堡前兩小堡拔之斃悍賊二百餘名通計八月初八至二十三日各戰擒斬賊數近三千名破老馬家堡時斬逆目馬伏澹克田家橋賊壘時逆目馬洪智伏誅官軍共傷亡二百數十名見接各營探稟九月初二日洪樂堡已經中路官軍克復賊悉敗遁金積堡容俟續報復調記名提督王衍慶帶親兵解運大礮前往助剿冀可迅速肅事又奏幫辦湘軍軍務頭品頂戴記名提督瑚松額巴圖魯黃萬友由湖南